



Broj :07-06-22-45498/22

Sarajevo, 09.11.2022. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), člana 4. stav (1) Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo ("Službene novine Kantona Sarajevo", broj 34/22) i Zaključka Vlade Kantona Sarajevo broj: 02-04-43961-45/22 od 27.10.2022.godine, Ministarstvo privrede Kantona Sarajevo objavljuje

JAVNI POZIV

za dodjelu namjenskih sredstava u oblasti šumarstva iz Budžeta Kantona Sarajevo za 2022. godinu sa pozicije Ministarstva privrede

Predmet Javnog poziva:

Podnošenje prijava prijedloga projekata iz oblasti šumarstva sa pratećom dokumentacijom koja će se finansirati/sufinansirati iz Budžeta Kantona Sarajevo za 2022. godinu sa pozicije Ministarstva privrede.

Pravo na dodjelu namjenskih sredstava imaju:

- Kantonalno javno preduzeće za gospodarenje državnim šumama na području Kantona Sarajevo „Sarajevo-šume“ d.o.o. Sarajevo (u daljem tekstu: KJP "Sarajevo-šume"),
- Kantonalna javna ustanova za zaštićena prirodna područja Kantona Sarajevo (u daljem tekstu: KJU za zaštićena područja),
- obrazovne institucije koje imaju sjedište, djeluju, i implementiraju projekte na području Kantona Sarajevo (u daljem tekstu: obrazovne institucije).

Uslovi učešća:

KJP "Sarajevo-šume" i KJU za zaštićena područja, mogu podnijeti prijavu na javni poziv za projekte/programme, a koji se će se realizovati u šumama i na šumskom zemljištu u državnom vlasništvu koje im je Zakonom o šumama Kantona Sarajevo dodijeljeno na gospodarenje, a prema Dopuni programa utroška namjenskih sredstava u oblasti šumarstva iz Budžeta Kantona Sarajevo u 2022. godini i u skladu sa članom 3. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo.



Ukupna raspoloživa sredstva su u iznosu 2.650.000,00 KM.

Maksimalni iznos namjenskih sredstava koji se KJU za zaštićena prirodna područja i obrazovnoj instituciji može odobriti po projektu/programu je 30.000,00 KM, a izuzetno i veći ukoliko Komisija ocijeni da je projekat/program od značaja za Kanton.

KJU za zaštićena prirodna područja i obrazovne institucije imaju pravo na javni poziv prijaviti najviše dva (2) projekta/programa koji se mogu finansirati iz namjenskih sredstava.

Sadržaj projekta:

Projekat treba da sadrži:

- popunjen obrazac sa nazivom i opisom projekta;
- područje na kojem se izvodi projekat;
- jasne ciljeve projekta;
- vrste aktivnosti koje će se provesti da bi se postigli postavljeni ciljevi;
- očekivani rezultati;
- korisnike projekta;
- rok realizacije projekta;
- neophodna sredstva (uz naznaku vlastitog ulaganja).

Potrebna dokumentacija:

KJP "Sarajevo-šume", KJU za zaštićena područja i obrazovne institucije, dužni su uz prijavu na javni poziv dostaviti slijedeću dokumentaciju:

- a) izvod iz sudskog registra, ne stariji od 3 mjeseca od dana podnošenja prijave,
- b) uvjerenje/potvrdu o urednom izmirenju direktnih poreza, doprinosa za penzijsko-invalidsko i zdravstveno osiguranje izdato od Poreske uprave Federacije Bosne i Hercegovine, ne starije od 3 mjeseca od dana podnošenja prijave,
- c) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje Bosne i Hercegovine, ne starije od 3 mjeseca od dana podnošenja prijave (ukoliko je u sistemu PDV-a),
- d) ovjerenu izjavu o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
- e) projekat sa budžetom ovjeren i potpisan od strane podnosioca.

Dokumenti se prilažu u originalu ili ovjerenoj kopiji.

Prijava na Javni poziv:

Kandidat prilikom prijave na ovaj javni poziv obavezno dostavlja:

- a) PRIJAVNI OBRAZAC, koji je sastavni dio ovog pravilnika i koji se može dobiti u Ministarstvu ili preuzeti sa web stranice Ministarstva;
- b) IZJAVU na propisanom obrascu, koja je sastavni dio ovog pravilnika i koja se može dobiti u Ministarstvu ili preuzeti sa web stranice Ministarstva;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/3

- c) PRIJEDLOG PROJEKTA na propisanom obrascu, koji je sastavni dio ovog pravilnika i koji se može dobiti u Ministarstvu ili preuzeti sa web stranice Ministarstva;

Neblagovremene prijave se ne uzimaju u razmatranje.

Ako podnosilac prijave ne popuni obrasce njegova prijava će biti odbijena.

Ukoliko podnosilac prijave ne dostavi svu traženu dokumentaciju, njegova prijava će biti odbijena.

Konačnu rang listu i odluku o odobravanju novčanih sredstava kandidatima donosi Ministar i ista se objavljuje na web stranici Ministarstva. Sa odabranim kandidatima Ministarstvo potpisuje pojedinačne ugovore.

Kandidatima koji ne ispunjavaju uslove iz javnog poziva šalje se odbijenica sa obrazloženjem.

Rok, adresa i način podnošenja prijava:

Rok za dostavu prijava prijedloga projekata, sa pratećim obrascima i dokumentacijom, po ovom javnom pozivu je 30 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo www.mp.ks.gov.ba

Prijave na Javni poziv sa potrebnom dokumentacijom i obrascima podnose se na centralni protokol Kantona Sarajevo ili šalju preporučeno putem pošte na adresu:

Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo

sa naznakom: "Prijava po Javnom pozivu za dodjelu namjenskih sredstava u oblasti šumarstva iz Budžeta Kantona Sarajevo"

- NE OTVARATI -

Napomena: Postupak po ovom javnom pozivu provest će se u skladu sa Pravilnikom o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo („Službene novine Kantona Sarajevo“, broj 34/22).

Kontakt telefon za dodatne informacije je 033 550 285 ili neposredno u službenim prostorijama Ministarstva privrede – Uprave za šumarstvo, ulica Branilaca Sarajeva broj 21.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

